

500 JAHRE KÍNSTEERER KÉRB



KÉRWE SPRUCH VUN
1989

Kinstreerer Kerweborsch 1989

Kerwevadder : Dieter Hill

Fahnenschwenker : Stefan Schöner


Beireiter : Thomas Berenz
Thomas Jung

Mundschenke : Jörg Rothenstein
Ralf Kuhn
Thorsten May

weiter noch : Mathias Arnold
Jens Bayer
Stephan Ehrler
Jörg Fückel
Burkhard Gross
Hartmut Gross
Jochen Hill
Volker Jourdan
Frank Jourdan
Gerd Mischlich
Marko Pinkel
Walter Press
Andreas Riedel
Erik Rumpeltez
Lutz Schmidt
Gösta Schöner
Dirk Schug
Martin Stannarius
Andreas Wagner
Helmut Walter

Vor 500 Joahr mer kanns kaum glaube
do hobe se die Kinsteerer Kerb aus de Taufe.
Denn aus Isenburg de Landesgraf
der war uff's Feiern ganz schön scharf.
Drum ließ er soine Untertane
feiern unner Kerchefahne.
Un weil mer aach gern oaner hebe
dun mer heit noch dieses Brauchtum pflege.


Drum Kellner schenkt die Gläser voll Woi,
Kinsteerer Kerb soll unser soi !



Drum Kellner schenk die Gläser voll Woi,
Kinsteerer Kerb soll unser soi !

De Mensch is Herrscher iwwer's Tier,
 jedenfalls hält er sich defür.
 Un wenn so'n Vieh mol sterrisch werd,
 do werd's gonz oafach oigesperrt.
 Un des Prinzip, nur sin's koa Tiern,
 dut die DE-DE-ER Regierung praktizieren.
 Doch seit in Ungarn soin die Grenze gefalle,
 dut in de DE-DE-ER fast jeder soin Rucksach uffschnalle.
 Sie dengen: "Honni ade ich geh, heb mich hinne rum.
 Glaub blos net, daß ich wirrer kumm!"
 Von Ungarn aus in de goldene Wesde enoi,
 so treffe se, enttäuscht vum DE-DE-ER Sozialismus, donn bei uns oi.
 Unser Regierung dut jetzt aach e bisje schwimme,
 weil sie muß so veele Iwversiedler unnerbringe.
 Doch es gibt aach Leid, die dut des anschoinend gar net steern,
 des is de Honni un soi annern vergreisde Herrn!
 Selbst wenn im ganze Ostblock die Reformer werde laut,
 uff dem Ohr sin die alte ES-E-DE Knacker wohl total taub.
 Un aach die Mauer werd demnächst um oan Meder hehjer gezerrt,
 weil em Honi soin Bausparvertrach fällisch werd!
 Doch spätestens im Joahr 2000 un 12 isses geschafft,
 donn werd de Mauerabriß wahrgemacht.
 Denn donn is die DE-DE-ER ins Rendealter gekumme,
 un derf donn hechstoffiziell zu uns eriwwerkumme!

Drum Kellner ..



*„Erich mach' als
 Letzter das Licht aus!“*




Letztjahr im Fernseh die Privade,
hon de Große ohne Gnade
alle Rechte abgenumme,
drum is Wimbeldon im Kabel kumme.
Un daß zwa Deitsche hon gesiegt,
ham viele erst garnet mitgekriegt.
Doch die gute aale Sender,
werde trotzdem garnix ännern.
Denn mit dem alde Schemaplan,
bleibe die Zuschauerzahle wie se warn.
Doch ich bin jetzt noch net verkabelt,
drum hab ich mich gonz abgenabelt.
Setz in moin Auto mich enin,
un fahr zum Videoladen hin.
Such mir'n paar gute Videos aus,
un nemm se donn aach mit noch Haus.
Und mit dem Programm, ihr liewe Leit,
kumm ich bis zur Kerwezeit.

Drum Kellner ...



Bei Steffi uff em Tennisrocke,
beim F.C. uff de Fußballsöcke,
beim Interview ganz links im Bild,
an jeder Eck en Werbeschild.
Wenn Gottschalk in die Kamera lacht,
hat er ans Geld vun MacDonalds gedacht.
Die Ganze Stars, es is e Greul,
laafe rum wie e Litfaßsäul.
In de Politik da det ich mir des lobe,
en dezente Hinweis an de Abendgaderobe.
Stattdessen haufe se Bestechung sei dank,
es Schmiergeld uff de Schweizer Bank.

Drum Kellner...



Frankfurter Allgemeine

Kinsteerer Kerb
500 JAHRE

Die Presse berichtet....

Rüsselsheimer Echo

Kinsteerer Kerb
500 Jahre

NIGERIAN STATESMAN

Kinsteerer Kerb

OBSERVER

Kinsteerer Kerb
500 YEARS

العمل

500 years

Kinsteerer Kerb

THE TIMES OF INDIA

Kinsteerer Kerb

Daily Times

500 years
Kinsteerer Kerb

Establish appropriate technologies
Ibn Battuta

Darmstädter Echo

Kinsteerer Kerb
500 Jahre

Allgemeine Zeitung

Kinsteerer Kerb
500 JAHRE

AL ARAB

Kinsteerer Kerb

Kinsteerer Kerb

LLOYD'S LIST

Kinsteerer Kerb

Fresh bid to end
air control row


State of emergency
may follow strike

Ihr Leid, ich hab mer mol gedacht,
wonn hast'n eigentlich's letzte mol Urlaub gemacht.
Doch es is schun lang her,
ich woas es net mehr.
Da entschloß ich mich ofach so ohne groß Plan,
ich du mit'm Fahrrad an die Adria fahrn.
Kurzerhand pack ich moin Krembel,
für trockene Zeide en randvolle Bembel.
Un aach iwver die restliche Siwwesache,
du ich mer garkoa Sorje mache.
Moin Fahrrad is gut, de Wille is es aach,
so strambel ich los mit'm randvolle Bauch.
De Wech iwver die Albe, der macht mich net bang,
ich loss mer veel Zeit, moin Urlaub is lang.
Doch uff em Wech zu de Albe, do duts mer schun grause,
koan ohne scheene Boam mee, MENSCH du mer do hause.
Aach uff de Rastplätz, uff dene ich halt,
do siehts bees aus, doch alle lässts kalt.
Ich hab draus gelernt, eich geht's bestimmt aach so,
schmeiss moi Zeich in de Oamer, macht's ihr doch genauso.
Doch trotz alle dem, ich kam endlich o,
doch was soll ich eich sache, es warn fast koa Turisde me do.
Die paar die noch do warn, die ham mich gewarnt,
geh nie ohne Messer, an de südliche Strand.
Ich hab mich gewunnert, warum nie ohne Messer,
doch fünf Minude späder, da wußt ich's dann besser.
Ich ging do ins Wasser, des war wie verrickt,
kam raus aus em Meer un war wie en Christboam geschmickt.
Dann hab ich gewisst, was die gemoant habbe,
hab's Messer gepackt, du die Alge dorchkappe.
Hab oafach moi Zeich wirrer zusamegepackt
un schleunigst mich selwer uff die Socke gemacht.
Moi Fahrrad geschnappt, bin so schnell wie ich konnt,
Richtung Heimat un hab mich an unserm Baggersee gesonnt.
Drum dut selber mol eiern Beidrach fer de Umweltschutz bringe,
sonst misse unser Kinder mol mit de Gasmask vor de Badwann
ihrn Urlaub verbringe.

Drum Kellner ..

Die Biene is e fleißig Tier
die Hummel kimmt glei hinner ihr!
Un aach die G'schäftsleit im kinsteerer Land
sin für ihren Fleiß sehr wohl bekiaunt.
Doch oa Geschäft, hier steht's geschriwwe,
hot's letzt gewaltlich iwvertriwwe.
En drohdische Esel, mer solls kaum glawe,
dun die doch glatt zwaamol verkaafe.
Denn kaum war de Esel nochmol korz zur Inspektion,
ruck zuck fuhr er nochemol verkafft mit em annern devon!
Ja die Verküferin, des kann mer sehe,
dut ihr Geschäft perfekt verstehet.
Un die Moral vun dere G'schicht:
Gib Acht wenn e Hummel e Verküferin sticht!

Drum Kellner ...



.....und seun mer einst verheirat,
dann schieve mer ach die Schees...

Jed's Joahr noch Kerb, wenn die ersde Sitzunge fange wirrer o,
is zum ersde mol aach unsern Nochwuhs do!
Unsern Eumarsch an Kerb noch bildlich vor de Aache,
kumme se erwartungsvoll, un meist schüchtern zu uns gelaafe,
Un is die folgend Zeit als Fux aach meist ziemlich hard,
bis zur nächsde Kerb hot mer sich doch zusammegescharrd!
Denn vielfältig sin die Ufgabe, die es donn gild zu besteha,
un des kann hald nur als Gemeinschaft geschehe.
Mer kann also soache, ihr braucht jetzt net stutze,
Kerweborsch soi, hot aach en peedagogische Nutze.
Un so war mer dann doch e bisje iwwerrascht,
daß mer in de Schul vun em Lehrer wern schläscht gemacht.
Vun de Kerweborsch koa Ahnung, doch Hauptsach geschwätzzt,
so werd uns donn unsren Nochwuchs verhetzt.
Do spricht wohl de Neid, da er konns net raffe,
wos soi lahme Schüler bei uns uffemol schaffe.
Wenn mer so was dut heern, do grieht mer de Graus,
doch mit unserm Nochwuchs siehts trotzdem gut aus.
Denn unser Ex-Kerweborsch die sorge defür,
daß mer honn Nochwuchs bis mindestens 2000 unn 4.
Un dun mer am Kerweumzug unser Kerwelied singe,
dun die Kloane schun heit baal aus de Schees raus springe.
Un so en Nochwuchs, der weiß es ist so schee un foi,
en richtische kinsteerer Kerweborsch zu soi.

Drum Kellner ...

Die Quetscheernt war heuer groß.
En Kegelklub fand's sehr famos.
Koa Zeit verschwend mit iwerleje
am Wocheend rihrn mer Latweije
Gesacht, gedo, am Wochenend gings rund,
vun nun an zählte jede Stund.
Drum sprach en Schlaumeier gonz wichtig:
"Nur mit Wasser werd des Zeich aach richtich!"
Nahm en Oamer kurzerhand
und füllt de Kessel bis an de Rand.
Fast hätt er dodemit alles verhundst!
wo mer doch rihrn muß, bis es Wasser verdunst!
Von do an gings im Kessel rund.
Sie rihrde den Brambes dreiunndreißig Stund.
Selbst de Stärkste braucht do aach mol e Bett,
drum war die Wäschkich aach es reinste Lazarett.
Dort sachte sich donn Fuchs un Haas gut Nacht,
bis die anstrengend Tat war donn endlich vollbracht.
Un wenn ihr es nächsde Mol wollt mit de Quetsche im Wasser rummatsche
do nemmt doch am besde glei Wasserlatsche.


Drum Kellner ...



Ein Bauer dacht, es is soweit,
moi Frucht die steht zur Ernt bereit.
Gesagt, getan, hat er sich gedacht,
un hot sich schnell an die Awweit gemacht.
Mim Mähdrescher fuhr er enaus uff de Acker,
un schun ging es los mim riese geradder.
Die Awweit lief em ganz flott vun de Hand,
e riwwer, e niwwer, vun Rand zu Rand.
Doch am End vun de Awweit fiels'm siedendhas oi,
der Acker den ich gemäht hab, der is garnet moi.
Du guter Mann du lagst gar net so verkehrt mit deum Verdacht,
du host nämlich die Awweit vun doim Nachber gemacht.
Doin Nochber hat sich sicher gefraat,
denn die Awweit hot der aach wirrer gespart.
Drum liewer Bauer pass nextjohr gut acht,
sunst kriegt doin Nochber wirrzer die Awweit gemacht.

Drum Kellner ...

... Er hat den falschen
Acker gemäht !




Trotz allerdem wos is gewese,
wolle mer de Weihnachtsmarkt vun letztjohr net vergesse.
Mir danke eich ihr liewe Leit,
das ihr so zahlreich erschiene seid.
Ihr habt zuhauf vor unsrer Hitt gehockt,
daß die Nürnberger hon neidisch zu uns riwwer geguckt.
Un weil es warn so viele Leit,
die bei uns vorsjahr zur Woinachtszeit,
gekafft hon en Haufe von Zeig,
wern mer desjahr, des du mer verspreche,
die Zuschauerzahle vun Wimbledon breche.
Vergesse mer net wie schee es letztjohr wor,
un nemme uns ach widder vor,
en so große Woinachtsmarkt zu mache,
das mer bald iwwer Nürnberg kenne lache.

Drum Kellner ...




In unser'm evangelische Gemeindezentrum,
do liege net nur Bibeln rum.
Do dun net nur die Pärsche heiern,
sondern aach unsere Vereine feiern.
Doch aach in unser'm heilge Tempel,
trinkt mancher mol zu viele Bembel.
Genau des hot oaner wahrgemacht,
drum hot man ihn später hoam gebracht.
Er dacht net mehr an sein Fahrad was dort dut stehn,
weils anderntag in de Urlaub sollt gehn.
Während soine Ferie fiels im dann uff,
das er nach de Party was vergesse hon muß.
Un als soi Ferie sind zu End,
is er widder do hie gerennt.
Doch oaner war in de sechs Woche schun do,
un bracht's uff's Risselsemmer Fundbüro.
Nun steht de gute Man halt da,
und kann zu Fuß gehn wie's früher mol war.

Drum Kellner ...



1489
1989
2489



An dieser Stell mach ich jetzt Schluß,
weil fast alles mol e End ho muß.
Doch unser Kerb des is ganz klar,
die dauert jetzt schun 500 Jahr.
Un das an de 500jährich Kerb aach widder ohne End gefeiert werd,
des zeige mer eich net nur heit owend beim "Krone Wert".
Den eins des du mer eich hier verspreche,
iwver die Kerb dun eier Enkelcher noch spreche.

Drum August hach jetzt uff die Trummel
un weiter geht's im Kerwerummel !

500 Jahre Kinsteerer Kerb Im Kaisersaal

Fr. 20. Okt. 19.00 Bieranstich im Gasthaus "Zur Krone"
Schlachtplatte, Metzelsuppe, Haussmacherwurst

Sa. 21. Okt. 13.00 Aufstellung des Kerwebaums

20.00 Kerwe-Tanz

Eintritt: 9,- DM

So. 22. Okt. 11.00 Kerwe-Konzert

14.00 großer "Kerwe Umzug"
anschl. Kerwekasse im Turnerheim

20.00 Kerwe-Tanz
mit Showeinlage

Eintritt: 9,- DM

Mo. 23. Okt. 10.00 Frühschoppen

Sa. 28. Okt. 20.00 Kerwe-Tanz mit **Jubiläums-Tombola** Eintritt: 9,- DM

So. 29. Okt. 14.00 Kinsteerer Sportabzeichen

16.00 Siegerehrung mit anschl.
Dämmerschoppen

Fr. 3. Nov. 19.30 Kerweborschparty **im Rath. Gemeindezentrum** Eintritt: 5,- DM

BISMARCKPLATZ

